

AKAM DAVID
Psalm 72:1-20
ỌYỌHỌ UKPEP-ŃKPỌ 248

Eke Ikpọ Owo

IKỌ IBUOT: “Ekọm Jehovah Abasi, kpa Abasi Israel, emi ikpọn-ikpọn anamde mme utibe ńkpọ” (Psalm 72:18).

I Nsinsi Obio Ubọn

1. Andiwet Psalm oyom edinen ido ye ubierikpe Abasi enyene Eyen Edidem, Psalm 72:1; Isaiah 59:16, 17; Jeremiah 23:5, 6
2. Edidem eyekpe ikpe mme owo nte enende ye nte ọfọnde, Psalm 72:2-4; Isaiah 11:2-5; 9:7; 32:1
3. Obio Ubọn emi edidi ke nsinsi, Psalm 72:5-7; Daniel 2:44; Luke 1:32, 33; Micah 4:7
4. Edidem eyekara kpukpru owo, Psalm 72:8-11; 59:13; 103:19; Daniel 7:14; Eriyarare 21:24-26
5. Edidem eyekop onyũn ọbọrọ akam mbon unana ye ubuene ye mmọ emi efikde, Psalm 72:12-14; Isaiah 2:4; Hosea 2:18; Micah 4:3, 4; Isaiah 60:1-22
6. Eyemenede enyũn ekpono Edidem, Psalm 72:15-20; Isaiah 2:1-3; Micah 4:1, 2; Luke 1:32, 33; Ẹwẹd Mbon Philippi 2:9, 11; Eriyarare 19:12, 16

SE EKPEPDE EBAÑA

Eyen Edidem

Akam David, emi ewetde enọ nnyin ke Ẹwẹd Abasi ke Psalm ata ye duopeba, okpon akan ikpukpu edibọn akam. Edi nditiń nyarare mbuotidem, ye ntiń nnim ikọ emi etińde ebaña Messiah. David ama otim enyene ifiok abaña uduak Abasi ke abaña edifak owo, ndien ekese ifiok emi David ekenyenede ke abaña Obio Ubọn Abasi, eyarare enọ nnyin ke akam emi.

Otim ańwańa nnyin nte ke David ndikoyom eyak ubierikpe ye edinen ido Abasi enọ eyen Edidem, ikedighe ke abaña eyen esie, Solomon. Solomon ama adara ke ukara uforo ye emem emi akananam owo eńwen minyeneke ke mbuk eset Israel. Kpa ye oro, ukara Solomon ikedighe baba ńkpọ kiet ke edade edomo ye Obio Ubọn emi Edisana Spirit akadade David etiń abaña. David ikedighe ọkọi ke abaña Andinyańa ye Edidem esie emi edidide, enye ńko ama onyũn otim ọfiok abaña nte emem ye uforo edidide ubak mme ńkpọ eke edidide itie ke Obio Ubọn emi edinimde ke isọn. Enye ama enyene udọn emi okotode Abasi ke akam esie ndikut nte ekpesopde enim Obio Ubọn emi ke isọn.

David ikedighe ńkukure owo emi Abasi akayararede ke esisit idaha owut mme uyai Obio Ubọn Eyen Esie. Isaiah ama etiń abaña Jesus Christ ye Obio Ubọn Esie, ete: “Koro eyen amanade ọnọ nnyin, enọ nnyin eyen-eren: ubọn onyũn odororo enye ke afara; enyũn esio enye enyiń, Utibe, Ọnọ-item, Ọkposọn Abasi, Nsinsi Ete, Ọbọn Emem” (Isaiah 9:6).

Ema enenim Christ ete akara tọtọnọ ke editọnọ ererimbot. (Se1 Peter 1:20). Andiwet Psalm ama odọhọ ete, “Ebekpo fo ọkọwuhọ ke eset: afo odu ke nsinsi” (Psalm 93:2).

John, Owo Mbẹt, ke isuo Patmos ama okut Enye emi edikarade, onyũn okop mme otu owo edọhọde ete: “Eyen-erọn emi ekewotde omodot ndibọ odudu, ye inyene, ye ifiok, ye ukeme, ye ukpono, ye ubọn, ye eridiọn. Ndien ńkop kpukpru ńkpọ emi ekebotde, emi edude ke heaven, ye ke isọn, ye ke idak isọn, ye ke inyań, ye kpukpru ńkpọ eke edude mmọ ke esit, nte edọhọde ete, Yak eridiọn, ye ukpono, ye ubọn, ye erikara ofuri ekondo, enyene Enye emi etiede ke ebekpo, enyũn enyene Eyen-erọn ke nsinsi-nsinsi” (Eriyarare 5:12, 13).

Edinen Ukara

Jesus Christ edi nnen-nen Andikara ke Obio Ubọn emi, ndien Enye eyekara ke edinen ido. Nnyin imokot ke ediwak itie ke Ikọ Abasi ibańa edinen ido Edidem ye idaha ubierikpe Esie. “O Jehovah, afo anam edinen, mme ikpe fo enyũn enen” (Psalm 119:137). “Eti ido fo enen ke nsinsi” (Psalm 119:142); (Efik Bible v. 141) ńko “edinen ido ye ikpe edi itie ebekpo esie” (Psalm 97:2). Mme ewuhọ Esie, mme ikpe Esie, mme ikọ Esie edi edinen. (Se Psalm 119:172; 19:9; 119:123). “Jehovah emenen ke kpukpru usuń esie, onyũn ọfọn ido ke kpukpru se enye anamde” (Psalm 145:17). Nnyin ikot ńko, “Enye eyekpe ekondo ke edinen ido, ye mme idut

ke akpanikọ esie” (Psalm 96:13). Emi edi mme itie ifań ke Nwede Abasi emi etińde nkpo abaña nte Edidem edikarade ke edinen ido.

Isọń Inemesit

Isaiah Anditiń-ntiń-nnim-ikọ ama otim etiń nte Obio Ubọń Abasi editiede ke isọń ke mme ikọ ifań emi, “Ubọń ye emem ididopke ndikori” (Isaiah 9:7). Nnyin imokot ke itie nwe emi abañade ukpep-nkpọ emi: “Enye eyesuhọre nte edim ke mbiet eke etemde, nte nkeńe-nkeńe edim ke ebebit isọń. Edinen owo eyefiari ke eyo esie; ye ediwak emem nko tutu ofiọń okure.” Mme itie efen enyuń edu emi ebietde itie emi ukpep-nkpọ emi otode. “Ndien enye eyekpe ikpe ke otu ediwak mme idut, onyuń asua ọńọ mkpọsọń mme idut tutu osim anyan ebiet; ndien mmọ eyeda ofut mmọ edom nkpo ufuń-isọń, enyuń eda eduat mmọ edom ikwa udiọń eto: ndien idut idimenke ofut itiene idut, idinyuń ikpepe abe ekọń. Ndien kpukpru mmọ eyetie ke idak vine mmọ ye ke idak fig mmọ; ndien baba owo kiet eke edinamde mmọ ndik ididuhe” (Micah 4:3, 4).

Ediye itie efen ke Ikọ Abasi etiń ọńọ nnyin emem Obio Ubọń Abasi ke isọń: “Ndien mmọ eyebọp ufọk enyuń eduń ke esit: eyenyuń etọ ińwan-vine, enyuń edia mfri mmọ. Mmọ idibọpke, ndien owo eńwen oduń; iditọhọ ndien owo efen adia: koro usen ikot mi ebietde usen eto, ndien edimek ikot mi eyedia se ubọk mmọ enamde. Mmọ idinamke utom ke ikpikpu, idinyuń imanke nditọ inọ nkpo ndik: koro mmọ ye ubon mmọ nko edide nditọ mmọ eke Jehovah ofiọńde. Ndien ama ekem, ke mmọ mika-ikotke kańa, ami nyeyere: ke mmọ esuk edohode ikọ, ami nyekop” (Isaiah 65:21-24).

Edikara Ke Ofuri Ererimbot

Ke ini ukara Edidem Solomon, idut Israel ama eneńere Okpon ke otu mme idut. Mme idut ererimbot ema eda nkpo urua mmọ edi ke Israel enyuń enọ Edidem Solomon mme nsọń-urua enọ nte utomo ye itoro ke abaña ifiok esie. Obọń ańwan Sheba ama oto ata anyan usuń edi edisobo ye Solomon; ndien enye etiń ye Solomon ke abaña okure esie, nditọ ufọk esie ye edu ukpono Abasi esie, ete: “ndien, sese, iketińke baba ubak akwa ifiok fo emi inọ mi: afo emebe etop oro nkokopde. Ofọfọń ọńọ mbio fo, onyuń ofọń ọńọ ikot fo, emi edade ke iso fo kpukpru ini, enyuń ekop ifiok fo” (2 Chronicles 9:6, 7).

Emi edi uwut-nkpọ nte mme ndidem isọń edidide ndituak ibuot nnyuń nkpono Eyen Edidem ke ini ukara Esie. Ke itie edikot, ewet ntem ete: “Ndidem Tarshish ye eke mme isuo eyetomo utomo: ndidem Sheba ye Seba eyeda enọ edi. Ndien kpukpru ndidem eyenuhọ enọ enye: kpukpru mme idut eyenam nkpo Esie.”

Solomon akakara ndusuk mme idut ke eyo esie, edi Obio Ubọń Abasi ke isọń eyekara ke ofuri itie ke ererimbot. Christ eyekara ke esań ukwak; mme okpono ndem eyedu ke idak Esie, kpukpru mme idut ererimbot eyenyuń esuk idem enọ Enye. (Kot Psalm 2:8, 9).

Daniel ama enyene nkukut akpatre usen, onyun ewet ete: “Nkut ke nkukut okoneyo, ndien, sese owo eke ebietde eyen owo asańa ke obubit enyọń edi, enye osim Andisọńọ usen, enyuń eda enye edi enye ke iso. Ndien enọ enye ubọń, ye ukpono, ye itie-edidem, ete kpukpru mme idut ye obio ye usem enam nkpo enọ enye: ubọń esie edi nsinsi ubọń eke midikureke, itie-edidem esie idinyuń ibiarake” (Daniel 7:13, 14).

Ukpono Emi Otode Ofuri Ererimbot

“Ndidem eyeda enọ esok fi, ebańa Itie-ukpono Abasi fo ke enyọń Jerusalem” (Psalm 68:29). Itie edikot ke ukpep-nkpọ emi etiń ete, “eyenyuń enọ Enye (edidem) gold Sheba” (Psalm 72:15). Mme ntińnnim ikọ Isaiah abaña mmọ emi edidide ndikpono Edidem: “Ndien mme idut eyesańa ke uńwana fo, ndidem eyenyuń esańa ke usiere fo. Akwa udim camel eyefuk fi, mme dromedary Midian ye eke Ephah; kpukpru mmọ eyeto ke Sheba, ebiom gold ye frankincense edi, eyenyuń ekwọrọ itoro Jehovah. Kpukpru otu ufene kedar eyebono ke ọtọ fo, okukim Nebaioth eyenam nkpo enọ fi: eyedok ke itie-uwa mi nte nkpo inem; nyenyuń mbana ediye ufok mi” (Isaiah 60:3, 6, 7).

Nsinsi Enyiń

Mme idut ema ewure enyuń etak ofuri-ofuri ke ntoń, ekese otu owo nko enyuń ekpańa eduk ke udi. Ekese ndidem ye mme andikara ema eka ke usuń ofuri ererimbot, owo inyuń ikwe inyuń itighi mmọ baba kiet. Ema efre enyiń mmọ, ekenyuń ewet ibat-ibat enyiń mmọ eken esin ke mme nwe mbuk eset.

Edi Edidem emi edikarade ofuri ererimbot enyene enyiń emi akananam owo mifreke, owo idinyuń ifreke ke anana utit nsinsi ini. Nte mme isua ekanarede ntre ke utibe enyiń Esie ofiọń ayama. Enyiń Esie akananam ibiarake, eyenyuń aka iso ayama ke nsinsi. “Enyiń esie eyedu ke nsinsi; enyiń esie eyebigi adańa

ini nte utin ayamade: eyeda enye ediñ idem mmọ: kpukpru mme idut eyedọhọ ete ọfọn ye enye” (Psalm 72:17).

MME MBUME

1. Anie edi Eyen Edidem?
2. Didie ke ifiọk ite ke David ikọbọñke akam emi ibaña Solomon ke Psalm emi?
3. Obio Ubọñ emi edikpon adaña didie?
4. Tiñ nte ido ukara Eyen Edidem editiede.
5. Nso idi ntak emi Edidem edibọde ukpono oto kpukpru ndidem ye idut?
6. Nso idi ntak emi owo midifrke enyiñ Edidem emi?